



www.BibleForChildren.org



यूहन्ना 14



“नीम मन व्याकुल आगवाळुल; परमेश्वर मा विश्वास ईटी अदिक
नान मा भी विश्वास ईटी. नान आप्प उन मान्या हापाळ सा ईरोद
जागा आद, अगर ईला ईराईत रा ना नीम से अनबुळायदिन; यतिकी
ना नीम साटी जागा तयार माळली होगतीन. अदिक अगर ना होगकु
नीम साटी जागा तयार माळईन, रा बाक बंदकु नीमी तान मान्या
ओयाईन कि ना यल
इराईन नीव भी
अल ईरी.”




ना यूहन्ना, जो नीम वार्ट अदिक यीशु उन क्लेश अदिक राज्य
अदिक धीरज दा नीम सहभागी आईन, परमेश्वर उन
वचन अदिक यीशु उन गवाही इन कारण पतमुस

हेसुर इन टापू दा ईरीन.



तुरन्त ना आत्मा दा होटबंदीन; अदिक येन नोळतीन कि ऊंद सिंहासन
स्वर्ग दा ईटकु आद, अदिक आ सिंहासन मा यावारा कुर्तकु आन.




बाक ना स्वर्ग दा अदिक धरती मा अदिक धरती इन ल्यालमा अदिक
समुद्र अन्द सप्पा माळद वस्तुगोळी, अदिक सप्पा येनारा
जो अऊर दा आव, ईद अनतेला केळदीन,
“जो सिंहासन मा कुर्तकु आन आऊन
अदिक म्यांडा अन्द पाड्डा अन्द धन्यवाद
अदिक आदर अदिक महिमा अदिक राज्य
हमेशा ईरूल!”




बाक ना पवित्र नगर व्हाशोद यरूशलेम इक स्वर्ग टु परमेश्वर उन हात्ती टु ईळुतेला नोळदीन. अद आ मंळगीत इन घाई ईरोद जो तान गांडु उन साटी सिंगार माळकु आर. बाक ना सिंहासन दा टु यावारा अक धोळ शब्द देल ईद अनतेला केळदीन, “नोळ, परमेश्वर उन ड्यारा मंळसागोळद न्याड्या दा आद. आव आंदुर सांगुळ ड्यारा माळयान,


अदिक आंदुर आऊन लाँकुर आदार, अदिक परमेश्वर खुद आंदुर सांगुळ ईत्तान अदिक आंदुर परमेश्वर आदान.”



बाक आव नानी बिल्लौर इन घाई झलकुसतेला, जीवन इन नीर इन
गांगा तोर्सदुन, जो परमेश्वर अदिक म्यांडा अन्द पाड्डा अन्द सिंहासन
टु होटकु आ नगर इन सळक इन न्याड्या वाहुसोद.



आ नगर दा सुर्य अदिक चंद्रमा अन्द ऊजुळ इन जरवत हैलेच, यतिकी परमेश्वर उन तेज देल अदुर्दा ऊजुळ आगेत्याद, अदिक म्यांडा अन्द पाड्डा आऊन दिंग्या हुन.




लेकीन अदुर्दा यातोदु अपवित्र वस्तु या बेकार क्याल्सा माळावाळा,
या ख्वाटा मात्तगोळ गढुसावाळा यातोदु रीति देल प्रवेश माळ
सकालुन, पर सिर्फ आ लाँकुर यार हेसुर
म्यांडा अन्द पाड्डा अन्द जीवन इन
किताब दा लिखसकु आव.




“आव आंदुर कण्णगोळ देल सप्पा नीर
सिट्टु कोंडान; अदिक इदुर बाद्दा मृत्यु ईला
ईत्तीत, अदिक न शोक, न विलाप, न
पीळा ईत्तीत; पयला मातगोळ होगतेला
ईत्तव.”




बाक श्राप आगतीदील, अदिक परमेश्वर अदिक म्यांडा अन्द पाड्डा
अन्द सिंहासन आ नगर दा ईत्तीत अदिक आऊन दास आऊन स्यावा
माळ्यार. आंदुर आऊन बाय नोळ्यार, अदिक आऊन हेसुर आंदुर
ह्याणागोळ मा लिखसकु ईत्तीत.



बाक ना स्याणेर धोड्डेर सब सोतकु मंळसागोळ इक सिंहासन इन मुंद
नीदुरकु नोळदीन, अदिक किताबगोळ खोल्सकु आदव; अदिक बाक
ऊंद मात्त किताब खोल्सकु आत, मतलब जीवन इन किताब; अदिक
ह्यांग आ किताबगोळ दा लिखसकु ईरोद, हांग अच आंदुर
क्याल्सागोळद अनुसार सोतकु मंळसागोळद न्याय
माळकु आत. अदिक यारदारा हेसुर जीवन इन
किताब दा लिखसकु सिकतीदील,
आव बेक्की इन झील
दा हाक्कु आदुन.



आत्मा अदिक मंळगीत येद्दु अंतर, “बर!” अदिक केळावाळा भी
अंदान, “बर!” जो नीरळकु ईतीदान आव बरूल, अदिक जो यावारा
चाहासतान आव जीवन इन नीर फुकट दा ताकोमुल.



यतिकी परमेश्वर दुनिया से हिँग प्यार ईटदुन कि
आव तान ऊंद ठैसा पार कोट बुट्टुन, ताकी जो
यावारा आऊन मा विश्वास माळयान आऊन
नाश आगबाळुल, लेकीन आऊक अनन्त
जीवन सिकुल.



रोमियों 3:23

इदुरसाटी कि सप्पा मुंदुर पाप माळ्यार अदिक परमेश्वर उन महिमा देल
हापाळ दुर आर,

रोमियों 6:23

यतिकी पाप इन मजदूरी रा मृत्यु आद, लेकीन नाम परमेश्वर उन अनुग्रह
अन भेंट नाम प्रभु मसीह यीशु दा अनन्त जीवन आद.

इब्रानिगोळ 9:27

अदिक ह्यांग मंळसागोळ साटी ऊंद घन सायोद अदिक अदुर बाद्दा परमेश्वर
उन द्वारा न्याय इन आगोद तय आद,



इफिसिगोळ 2:8,9

यतिकी विश्वास इन भेंट इन द्वारा अनुग्रह देल अच नीम्द उद्धार आत, अदिक ईद नीम्द दी टु ईला, बल्की परमेश्वर उन दान हुन, अदिक ना कर्मगोळद कारण, हिंग आगबाळुल कि यावारा घमण्ड माळुल.

रोमियों 10:9,10

कि अगर नी तान बाय देल यीशु उक प्रभु जान्सकु अंगीकार माळया, अदिक तान मन देल विश्वास माळया कि परमेश्वर आऊक सोत्तुर दा टु जित्ता माळदुन, रा नीन जरूर उद्धार आदीत. यतिकी विश्वास माळदुर देल नाव परमेश्वर उन सांगुळ सही संबंध दा बरतेव अदिक बाय देल कबुल माळदुर देल नामी मुक्ति सिकतद.



यूहन्ना 3:16,17

“यतिकी परमेश्वर दुनिया से हिँग प्यार ईटदुन कि आव तान ऊंद ठैसा पार कोट बुट्टुन, ताकी जो यावारा आऊन मा विश्वास माळयान आऊन नाश आगबाळुल, लेकीन आऊक अनन्त जीवन सिकुल. परमेश्वर तान पार उक दुनिया दा इदुरसाटी कळीदिल कि दुनिया मा दण्ड इन आग्या कोळुल, लेकीन इदुरसाटी कळयान कि दुनिया अक आऊन द्वारा उद्धार सिकुल.

1 यूहन्ना 5:11-13

अदिक अद गवाही ईद हुन कि परमेश्वर नामी अनन्त जीवन कोटान, अदिक ईद जीवन आऊन पार उन दा आद. यार हात्ती पार आन, आऊन हात्ती जीवन आद, अदिक यार हात्ती परमेश्वर उन पार हैलेच, आऊन हात्ती जीवन भी हैलेच. ना नीमी, जो परमेश्वर उन पार उन हेसुर मा विश्वास माळतीर, इदुरसाटी लिखसतीन कि नीव अर्त कोमी कि अनन्त जीवन नीम्द आद.



यूहन्ना 14; २ कुरिन्थि 5; प्रकाशितवाक्य 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Holiya Bible (hoy) © The Word for the World International
and Holiya Translation Samithi,
Kudwa, Gondia, Maharashtra 2025

<https://www.bible.com/en-GB/bible/2782/MAT.1.HAA25>

©2026 Bible for Children, Inc.

www.M1914.org

www.bibleforchildren.org

